

元始祖炁人人具足本來洋溢充滿但人自不能久留耳故曰神炁滿室莫之能留真人既安處神室必須時時相顧刻刻相守若一刻不守便恐致亡失之患故曰守之者昌失之者亡惟是一動一靜不敢自由直與神室中真人呼吸相應彼動則與之俱動彼靜則與之俱靜彼休息則與之俱休息勿助勿忘綿綿若存火候纔得圓足故曰動靜休息常與人俱此段言爐鼎之象而兼溫養之功卽上文所云金炁相胥之作用也此章首揭出有無兩用之竅是真爐鼎次別金水二炁之用是真藥物末了更示人以溫養防護之功是真火候金丹關鍵已全具此中不可忽過

道藏輯要

參同契
闡幽

三

虛集一

明辨邪正章第八

是非歷臟法內觀有所思履行步斗宿六甲次日辰陰道厭九一濁亂弄元胞食炁鳴腸胃吐正吸外邪晝夜不臥寐晦朔未常休身體日疲倦恍惚狀若癡百脈鼎沸馳不得清澄居累土立壇宇朝暮敬祭祀鬼物見形象夢寐感慨之心懽意喜悅自謂必延期遠以天命死腐露其形骸舉措輒有違悖逆失樞機諸術甚眾多千條有萬餘前卻違黃老曲折戾九都明者省厥旨曠然知所由

此章歷指旁門之謬以分別邪正也欲知大道之是當先究旁門之非旁門種種邪謬不可枚舉姑約略而計之

是非臆臟法內觀有所思

此內觀五臟着於存想之旁門

履行步斗宿六甲次日辰

此履罡步斗泥於符術之旁門

陰道厭九一濁亂弄元胞

此九淺一深採陰補陽之旁門

食氣鳴腸胃吐正吸外邪

此吞服外氣吐故納新之旁門

晝夜不卧寐晦朔未嘗休

此搬精運氣長坐不卧之旁門

道藏輯要

參同契

卑

虛集一

身體日疲倦恍惚狀若癡百脈鼎沸馳不得清澄居

以上五種旁門俱是求之身內者種種捏怪勉強行持究其流弊至於身體疲倦精神恍惚周身之百脈勢必奔逸散馳而無一刻清寧澄湛之時求之身內者其惡驗如此

累土立壇宇朝暮敬祭祀鬼物見形象夢寐感慨之

此祭鍊鬼物入夢現形之旁門

心歡意喜悅自謂必延期遠以天命死腐露其形骸

以上一種旁門是求之身外者初時朝暮祭祀妄冀鬼物救助益算延年不知反為鬼物所憑流入陰魔邪術既而或遭王難或遭奇疾本欲長生反天厥命腐露形骸為世俗之所

恥笑矣求之身外者其惡驗又如此

章首是非二字直貫到底言金丹大道全在養性非是此等旁門可得而混入也養性工夫卽在前兩章中旁門反之故招種種惡驗

舉措輒有違悖逆失樞機諸術甚眾多千條有萬餘前卻違黃老曲折戾九都明者省厥旨曠然知所由

此段結言旁門之背道也金丹大道莫過養性原本黃帝老子虛無自然宗旨故陰符道德兩經直指盡性盡命最上一乘法門與三聖作易同一樞機世人不悟往往流入旁門動輒千差萬別悖逆之極全失其樞機矣以上所列五六種或

道藏輯要

參同契
闡幽

聖虛集一

求之身內或求之身外只是略舉一隅引而伸之千條萬緒可以類推大約非黃老復命歸根之功卽非黃老九宮洞房之奧此輩甘墮旁蹊如卻行求前徒費曲折耳明眼之士亟發信心參禮真師窮取性命根源本來面目倘能于片言之下洞徹宗旨方知本來一條平坦道路人人可得而出再向上工夫勤行伏鍊庶乎脫旁蹊而超彼岸矣